



安陽集卷第四十一

宋忠獻魏王韓琦著

賜進士監察御史安陽張士隆重刊

冊文

仁宗皇帝哀冊文

維嘉祐八年歲次癸卯三月癸卯朔二十九日辛未仁宗神文聖武明孝皇帝崩于福寧殿旋殯于殿之西階粵十月戊辰朔六日癸酉遷坐于永昭陵禮也龍馭賓天珠襦留殯萬方之軌同臻七月之期茲近法仗已嚴靈輜未進風雲慘鬱以生悲臣妾涕號而思殉孝子嗣皇帝臣

接統承堯念親晞舜徘徊象物驚禁從以如存
摧慕僂遊致哀誠考必盡繫臨奠以長辭蓋終
天之永恨乃命弼臣以文傳信其詞曰

惟宋受命與天無疆藝祖以武底寧四方神宗
以文萬邦一王真廟紹隆赫然其光逮夫仁宗
益熾而昌厥生之初上帝惟祐天日之表振古
未覩色出圭章步嚴龍虎其俾真人來綏下土
元良之建七鬯是主寢門之間惕若文武嗣訓
之循纂承丕緒左右獻后以蒙自處大運歸乾
獨化陶甄進良黜姦始章聖權其仁如天其度
如淵其仁伊何得之自然草秀而茁蟲飛而翔

尚不忍傷况吾民焉惠澤之霈滂洋幅員物

亦滋四十二年猶如天兮化工則全其度伊

江然莫際巨細必容默分誠偽臣在言職不

諱忘時肆詆訐衆嫉狂易聖心怡然曰此忠義

是也吾從過焉何及倚如淵兮是能致治明謹

庶獄極于哀矜惟法所在未嘗妄刑郡邑之吏

責之詳平一失入罪無階顯榮尊為天子以儉

為貴崇尚清虛屏斥紛囂回緣不憚輔臣入視

殿幄肅然茵衾故敝率用繒素了無文綺衆目

驚嗟上曰何謂吾之受用素止如是此民膏血

烏敢妄費恭事天地孝承祖宗九見圓丘冊祇

合宮大裕于廟親籍于東服器精備染盛潔豐
小次不御秉圭顛顛何必尸曉民胥偃風取士
之路務在至公十二臨軒策之必躬雋髦盡得
巖穴幾空有將有相曰功曰庸眇視三代吾其
比崇北胡之強西夏之獠時欲跳梁恣其貪嗜
吾以威懷折其凶銳兩塔搖尾從我羈餌百蠻
梯航琛賫日至禮樂具修干戈不試夫惟立嗣
天下之基前世令王或牽以私事不前定濱于
亂危我出獨斷挺然不疑求賢于宗唯聖是知
神器之重其傳有歸廟社以安生靈以嬉迹其
大公堯舜之為昔在人上必有偏好或樂馳

或喜征討或務宴游或專營造或適聲色或泥
丹竈慕弈之工擊拂之妙有一于此下從而效
噫吾仁宗澹無所樂曰吾好者在勤政道日必
盱眙惟先之紹閒時弄翰或隸或草堊帝之揮
千竒萬巧去冬之暮清燕之閒再闢天閣詔呼
從官親作飛白侍臣縱觀心合造化生成筆端
書幅踰百大均寵頒退坐群玉行觴盡歡嗚呼
哀哉賜墨尚濕宸章未刊植璧斯虔遽有金滕
之禱綴衣遂徹俄承玉几之言嗚呼哀哉大變
之來天傾地裂四海之慟風號雨血兆民震駭
其無生百辟冤呼而僅絕乘雲之游兮汗漫而

自高持鯁之慕兮，僵仆而徒切。因疑前會之非，常似與群臣之叙訣。嗚呼哀哉！候律云凜，諏辰協元。嚴蜃路以方駕，視羽幢兮始前。池竹搖舞，車旗飾鸞。背朱雀之通達，指青龍之吉山。關路長兮，去復去。宮車晚兮，還不還。痛徹六宮兮，莫如逝。淚灑重暉兮，胡可攀。嗚呼哀哉！寒日晝昏，愁陰夜積。卷晴霓於丹旄，蕩霜波於素帟。哀笳互咽，六州之奏增悽。駿嶽前瞻，萬歲之聲何闕。大隧一為幽堂，永寂人間之恨。空長帝所之歡，豈極嗚呼哀哉！秦漢而下，御邦子民。夙越三紀，纔聞數君。其間治亂以相駁，否亨之不醇。如仁

宗乎國之久而始終太平兮，彼安敢望吾之清塵。生而無窮者，享載健而不息者，高旻惟至仁。盛德與高厚之俱兮，萬世巍然而不泯。嗚呼哀哉！

英宗皇帝尊號冊文

維治平四年歲次丁未正月一日庚戌，攝太尉具百臣韓某與内外文武百寮諸軍將校藩衛牧伯郡縣長吏藩夷酋長緇黃耆艾等再拜稽首上言。臣等聞天道育萬物而不責其報，然飛走之微必時而有為者，以知其本也。君德被萬寓而不有其名，然臣辟之衆必宗而不號者，以

獻其誠也故報雖不責薦而知其本者天必享
名雖不有號而獻其誠者君不違是以上下之
情通而古今不能以易也恭惟皇帝陛下自然
之性得堯之仁不聞而式紹文之聖總百行而
無不備探六藝而無不達粵在宗邸德充而晦
令聞莫遏四海繫心譬夫大明將升光氣前發
萬目瞻望不可韜戢及乎膺受聖託慕隆皇緒
信默二祀動謹先法奉養長樂孝惟克諧內嚴
宮闈而細大必修外正紀綱而頽墜皆舉攬威
柄以歸已幹神化而獨運下豈鯨寡悉安其生
至于昆蛟莫不被澤共九族之睦也俾先乎知

道其百揆之叙也本精乎任人若夫延光邇臣
咨訪不倦有虞之好問也抑損浮費用度日約
大禹之克儉也緝熙光明而德行以顯周成之
保邦也綜名實而賞罰必信漢宣之圖治也并
會衆美嗣興太平故自舟車所通日月所照皆
奉順聲教無敢弗虔固足以恢四聖之闕休極
百王之盛節者矣迺者肇禋吉土始見清廟祭
而受福慶將建下下之報上安可無述臣等所
以合中外之志叩閣屢瀆請上丕稱以形容於
萬一而陛下持易之謙執道之契德貫二儀而
不自滿功借八世而無所矜冲然弗居可詔不

下自是輿情鬱悒史相責請以謂睿聖之烈赫
赫如此而不能發揚而增大之是不若飛走知
本之著也今三朝之吉萬玉來會重譯有貢八
音在廷臣等幸於此時冀畢前懇封奏五上莫
匪傾竭陛下猶就論數四不得已而俞之夫
道濟群生而不言所利體乾也躬享大命而若
固有之膺歷也化成天下而輝光日新也守
在四夷而兵革不試武也日用而百姓不知聖
也親寧而萬國以歡孝也臣等不勝大願謹奉
上冊玉寶上尊號曰體乾膺歷文武聖孝皇帝
伏惟陛下無前之蹟本忘其名徇衆之欲勉而

是承斯亦踵祖宗之舊而慰乎夷夏之情惟持
其盈以守其成壽考萬年以之以榮臣某等誠
歡誠忭頓首頓首謹言

英宗皇帝哀冊文

維治平四年歲次丁未正月庚戌朔八日丁巳
英宗憲文肅武宣孝皇帝崩于福慶殿旋殯於
殿之西階粵八月丁未朔八日甲寅遷坐於永
厚陵禮也歷在而帝鼎成則仙四海驚摧兮猶
考妣之喪也群臣號慕兮有衣冠之葬焉哀伏
初肅靈輜即前孝子嗣皇帝永念罔極痛深所
天覩象物兮如在挽宮車兮莫旋一奠之訣兮

既已悲霄壤之隔萬古之信兮又將假文字之傳乃命臣某繼之以言其詞曰

惟宋之興祀踰百年聖聖相授前義後軒於穆英宗其承赫然嗣世惟五應期則千厥初在藩潛德固異惟善吾樂惟學吾嗜朝夕詩書寤寐仁義顯心聖賢舉跬孝悌官之否臧民之病利必詢而得不在康濟明哉仁廟知子其至推堯之心乃命主器曰非所當駭然懇避輿諱迫逾年始辭邸第高世之行實出文帝既紹統業以濟以勤欲泰天下儉吾一身衣必屢浣食皆屏珍府有餘積賜無橫紙頃約邦用深虞害民不

戶而化咸歸至淳壺內之制有妃有嬪位號之等其詳可聞吾悉不備蕭然禁宸侍左右者故宮幾人爲治之本先乎睦親不愛苑囿衆居以均大興學校群心自馴首善之勸于何不臻荷天之休所報惟懇承先之祐其事彌恪始見郊廟陰慝前作霖靈累旬朝位皆愕謂宜改爲言者交錯聖心益堅夙夜祇若及期而祀景氣澄緬至誠之應老稚歌樂庶政思又萬機必躬一令之細惟審而後下一言之善則沛然是從覽四方之奏率至於夜艾訪前殿之對動踰於日中協虞舜聰明之聖盡漢宣綜核之公好文之

盛前無比崇籍兵之廣寓之在農旣恢隆於素
教又振宣於武功於是西之悍羌北之強貊威
德所加望風奪魄陰繕戎備斂藏貪整奔走間
者伺吾策畫惟固結於盟誓幸保全於沙磧若
使天錫洪休壽鍾遐歷則累世之敵不數暮而
盡更二虜之驕有一朝而歸迹奈何歲俯經於
再閏年未借於不惑帝鄉甚邈遽樂白雲之遊
路寢斯嚴忽預彤裳之冊得非嗣聖當發興符
有開啓閔規於厥後俾大治於將來太平之功
旣遺已而不有億兆之衆徒訴天而盡哀嗚呼
哀哉遠豫之來憂民不替蠲賦恤災寬刑霽

親揮宸筆以定儲位明聖知之在先俾群情之
大慰謂勿藥乎宜廖何與齡之終矣嗚呼哀哉
太筮讞吉蕭辰正秋下廣內以將旦即大升而
弗留臣庶攀慟風雲慘愁背紫臺之業業颺丹
旌之悠悠萬乘銜悲睨斜暉之莫返六宮麗泣
雜暮雨之難收嗚呼哀哉榮圃宵嚴訖闕朝啓
登嶺道之榮回瞰鞏郊而迤邐也魚輶躍於惟
慄薤露淒流於心耳氣暝緱山陰凝洛水方開
萬歲之阡已湊諸侯之軌姬嬙素寡何須銅雀
之爲珠玉弗裁詎有金鳧之侈嗚呼哀哉會聖
臨右永昭峙旁侍仙遊之縹緲之帝所以軒翔

名素在於真籙迹空留於壽堂百年之間自比
軒臺之畏肅九疑之下幾瞻耘鳥之飛揚德固
不朽慶之六昌惟英主之號自我而獨得兮宜
與天而共長嗚呼哀哉

安陽集卷第四十二

安陽集卷第四十二

宋忠獻魏王韓琦著

賜進士監察御史安陽張十隆重刊

祭文

代開封知府諸廟謝雨文

維某年某月某朔某日具官某謹以清酌庶羞
之奠致祭于某神粵自涼秋以來嘉澍未洽惟
宸衷之在念顧穡事以爲雲式是靈祠奠茲神
壤奉吉蠲而致禱冀聰直以垂休而神上符膏
盥之懷下慰編齊之望會風期於少女驅雲族
於大山曾未崇朝遽均和澤壤父輟耕而相賀

祠官嘉服以言旋濟旱歲以作霖畢蘇民瘵北
豐年而為瑞協助聖猷爰被詔於發中俾消辰
而報貺用陳馨薦祇荅蕃釐諒精意之攸歆固
嘉應之斯在尚饗

揚州祭聖母祠祈雨文

維慶曆六年歲次丙戌某月某朔某日具官某
謹以清酌之奠昭告于聖母之靈某聞之于詩
曰旱既太甚靡神不宗則知古人閔雨之際不
愛牲幣凡神能福于民而為民之所奉者皆得
索而祭焉今歲夏季以來境內不雨穡人狼顧
以田為憂長民者亦嘗設壇禱龍款祠求神齋

恪之誠不為不至近方靈應有荅而民望未歇
是用陳茲薄薦乞靈于神神其體斯民所奉之
心示神能福之之意廣敷陰施惠此一方使時
澤霑然年穀大獲則民知神德不謂無靈尚饗

諸廟祭文

維慶曆六年歲次丙戌某月某朔某日具官某
謹以清酌庶羞之奠敢致祭于某神古有八蜡
之祭以記四方若其方年不順成則蜡祭不通
豈特使民謹於用財抑亦明神不苟受其報也
今歲境內大旱民心顛顛有望於神而禾田卒
不救守臣不敢循為蜡之義而廢神之祀是用

舉舊典申薄薦神其歆此蠲潔無使來歲復夫
民望而重爲媿尚饗

北嶽祈雨文

維皇祐元年歲次己丑六月壬戌朔十四日乙
亥具官某謹遣屯田員外郎通判軍州事遊開
以清酌之奠敢昭告于北嶽安天元聖帝惟神
享有常嶽視帝而祀故距河而北凡民有水旱
瘡瘍之災則歸心于神謂神主于我必轉災而
福之某幸爲州于廟祠之下每旦開口則思有
以濟于民報于君以不愧于神雖然不敢徇私
一郡而邀神之福竊惟國家視天下以河朔爲

根本去歲雨水爲大沴民太半以飢死天子宵
興盱食哀而恤之賴蠶事旣登麥秋有成捐瘠
之民粗有生意而涉夏不雨旱氣日甚民心嗷
嗷以穀爲虞天子聞之不得不重貽北顧之憂
某是敢以北民所歸之心且道天子仁聖慈愛
之德弗私所治而召虔于神神其振激威靈指
呵雷電霑乎嘉澤潤我民疇使兩河間普洽西
成之望則神上以寬九重之焦勞下以副萬民
之歸嚮巍巍廟食與昊天齊其稱謂宜哉尚饗

北嶽祈雨文

維皇祐二年歲次庚寅三月戊子朔五日壬辰

具官某謹以清酌之奠敢昭告于北嶽安天元
聖帝某聞天之爲道也惟民善惡而禍福之然
推其仁於福則所任者多於禍則有所不忍焉
神之爲靈也能謹其所以禍福而協天之仁者
也比歲以來河朔之民罹大饑饉幸而全者無
幾某爲治祠下行一甚矣夙夜祗慄不敢慢其
政以干神禍每春夏之交水旱萌沴穡人駭憂
必請教于神而神應之夫豈守臣一真禱而能
感于神哉誠蚩蚩之民無大罪惡天與神哀其
窮不忍終其禍而致然也今歲方春而祥陰用
事霾風晝昏陽氣迫而未宣雨意北而復收農
力于田惟歲是虞豈天與神仁于任福而不忍
禍之之意邪神其驅此厲妖奮示威德霽然施
澤俾遂有年則民知神休孰不思報尚饗

北嶽祈雪文

維皇祐二年歲次庚寅十二月某朔某日具官
某謹以清酌之奠敢昭告于北嶽安天元聖帝
大河之北比歲不登神知之矣今又入冬以來
雪不時降累數之然耶則否泰宜有以相返政
之致邪則蚩蚩之民何罪此入之所以疑天與
神不預人事者止謂是也惟神作鎮于北助天
成化宜發天之德示神之明早霽時澤慰民望

而銷沴萌以釋人之所疑誠大惠也不然北道
之民全其生者無幾矣天晝夜而不息胡為哉
神之祀孰供乎尚饗

北嶽謝雪文

維某年某月某朔某日具官某謹以清酌庶羞
之奠致祭于北嶽安天元聖帝近以冬候將終
時雪不降重困之民比屋愁歎守臣慙政之缺
察民無罪輒遣屬吏走祠下合衆心之所憂上
訴于神神惻然憐之翌日降雪闔境之內無不
充洽愁歎之民以抃以舞夫神之化冥冥然民
固有疑之者及其應之昭也則靡然歸之無疑
矣況北嶽影響之速乎宜其望而祀廟而食有國
尊奉與天無窮謹擇良日具牲醪以修報惟神
始憐之終成之尚饗

北嶽謝雨文

維皇祐三年歲次辛卯三月某朔某日具官某
謹以清酌庶羞之奠致祭于北嶽安天元聖帝
某覽載籍見堯湯水旱之事而說者多歸之天
數以為雩禱之禮蓋有國家者徇民志而安下
情其實不可求也乃有一守令自暴一御史決
獄而能上動天意應時注雨則於二者之說不
能無惑焉今則判然無惑矣某自承詔來定會

河朔歲災比年雨不時降爲民之守察民之窮而無所訴也則必走僚屬乞靈于嶽祠之下或三日至五日神應響答甘澤大洽故北道歉殫而定獨小庠神貺多矣今歲自正月至三月不雨民復震駭顧蚩蚩者無告獨神之有以訴也於是載加精禱幸紓民患既而雲容聚散連日晝陰至七日雷電始發一雨告足則知至誠者必能感神而神必能爲民之福也又何惑焉謹擇日具牢酒以爲報惟神陰佑終賜有年尚饗

北嶽祈雪文

維某年某月某朔某日具官某謹以清酌之奠

敢昭告于北嶽安天元聖帝某聞四方之民水旱豐穰皆繫守政之善否某常信是說至定而後知不獨繫于政乃有嶽鎮之神陰主一方能驅斥災沴而降民之福某非才守定行五歲矣政之不善宜有以動天變而及斯民何乃北道比歲大災而定獨小庠得非守政雖不善而神能佑民而福之乎昭昭矣今歲農疇大穰比戶嬉樂而時雪過期未有嘉應此守臣所以思政而自懼神所以愛民而施福之時也神其宣揚威靈振激和氣使盈尺之瑞早慰民望則民心歸嚮不在他祠尚饗

北嶽謝雪文

維皇祐三年歲次辛卯十二月戊寅朔二十六日癸卯具官某謹以清酌庶羞之奠致祭于北嶽安天元聖帝近以時雪稍愆未充歲望咎政之失惟民是虞亟禱于神尚期鑒祐果蒙靈荅若響應聲雖農畝尚冀霑濡而民心大已開釋謹遣大理寺丞簽署節度判官廳公事夏倚躬致菲薄以修報禮惟神念此一方素垂蔭護更施惠澤以永神休尚饗

北嶽再祈雪文

維某年某月某朔某日具官某謹以清酌之奠敢取告于北嶽安天元聖帝近以入冬以來時雪未洽累遣掾屬乞靈于神亦既踰旬尚稽報祐豈守臣愛民之心未至而事神之意弗虔乎夙夜究思罔克自處今請通判軍州事闕某躬致前懇禱于祠下惟神察誠之懇慰民之望早垂嘉應以兆豐年尚饗

大原諸廟祈雨文

維皇祐五年歲次癸巳閏七月戊辰朔某日具官某謹遣某官以清酌之奠致禱于某神某間天道之主于仁不則人何以保其生神之道亦主于仁不則人何以通其誠嗚呼天與神之道

皆主于仁矣何一方霜旱之後既仁其田大茂
垂及有年而反枯槁之螫蟄之使民終日哀祈
叫呼冀一施其仁寂然莫應邪某治并始數月
雖然爲政一日不合于民宜爲天氣之病顧民
是何罪哉是用齋戒省咎將民意以有告于神
惟神助天化育功在祀典哀民之誠迫切如是
亟驅風雲霽然下雨掃滌厲氣銷弭虫孽則千
里之內神一施其仁而瘁死之苗起爲豐穎咨
嗟之聲轉爲歡謠民歸神之心如何哉尚饗

諸廟謝雨文

維皇祐五年歲次癸巳某月某朔某日具官某
謹以清酌庶羞之奠致於某神近以秋稼甫
成旱蝗萌孽吏民駭議唯神是歸守臣齋誠亟
禱祠下朝奠未縮暮澍已治靈應之速實猶影
響今境之內鼓舞歡呼知神之仁益用欽向謹
擇良日具馨薦以修報禮惟神冥佑茲土功德
至大亦旣拯民之將殞則當俾歲之大獲守臣
何咎惟是忘信尚饗

蒙山祈雪文

維皇祐五年歲次癸巳十二月丙申朔二十一
日丙辰具官某謹以清酌庶羞之奠敢昭告于
蒙山之神某聞前代良守長以其部旱暵之爲

沴也必求境內有聞之神祈禱之而與神約過期不雨則舉祠燔之雨則葺之某謂不必然今環等之境數千里之廣歲將窮而未雪守臣聞民之憂遍禱群祠逾月弗應聞蒙山晉望也古有祠俯瞰靈淵自唐以來崇奉祈報民實蒙福今隳圮垂盡而故址巋然夫祠雖不存山川之神豈嘗亡邪謹遣某官即壞祠具肴酒以告夫將已意以達于神神祠之壞而必完之皆守臣之職也答之與否不敢慢神而廢職然神能奮起潛德巫窳惠澤以警一方久不信之民則宜遠邇歸嚮勿怠為恭神之威尊與山巍我不然

且懼祠雖完而復廢也神聽之手尚饗

諸廟祈雨文

維皇祐六年歲次甲午正月丙寅朔二十七日壬辰具官某謹遣某官以清酌庶羞之奠有禱于某神去歲歷秋冬建今雨雪不時降細民駭嗟以田為憂者實半天下天子惕然引咎齋戒祈禱無所不至而卒未太應今復時疫暴作民中其疾者十有八九雖星分所次流災有常而天子慈仁愛民夙夜焦勞守土之臣以奉命修職不敢有苛刻之政上病天氣天忍極肆其酷冥然而不顧哉天道高遠區區草芥之誠固不

足以達賴吾境有靈德之神開發天意轉禍貽
福灑甘澤以沃枯讓鼓和氣而驅癘妖使農及
耕耘民安里閑上紓天子旰食之慮下俾守土
之臣省過勤政自新不怠則天施未暢繫神而
啓迪之宜民不怨天而信于神神之功茂矣尚
饗

祭告四代祖鼓城府君文

維嘉祐五年歲次庚子某月某朔某日四代孫
具官某謹遣男忠彥以清酌庶羞之奠致祭于
高祖鼓城府君高祖母夫人張氏之靈竒閱家
集見真定主簿張度所撰府君墓銘知天福二

年中與夫人同葬於趙州贊皇縣東大平鄉之
北馬村當五代之亂天下兵革子孫於歲時展
祀蓋不能及逮今百有餘載遂失訪辨琦自效
官以來志求所在而患不得鄉邑老舊之人以
詢究之今會贊皇人前普州司理鄭嗣宗行服
北歸見過私第問所謂北馬村者乃云所居之
地也遂以誠託之未幾嗣宗復至且言是村有
韓評事墓在焉請使家人親驗某竊念年祀既
遠若不一視銘誌則恐後之子孫與鄉邑遠近
之人尚有疑者故遣男忠彥擇口以告暫開墳
隧拂拭誌石使衆目視之釋然必信然後增益

封樹以時致享子孫承之崇奉無窮惟靈監此
至誠歆此薄薦毋以輕有犯瀆而賜大咎孝孫
之幸也尚饗

祭告四代祖塋土地文

維嘉祐五年歲次庚子某月某朔某日具官某
謹遣男忠彥以清酌之奠昭告于贊皇縣太平
鄉北馬村土地之神高祖鼓城府君之二實葬
茲土子孫遭五代之亂罔克崇葺各走官路久
失訪尋今按文驗之乃得其所然年祀緬邈人
不無疑固當開隧視銘以取衆信惟神聰直之
稟福善而誅惡者也夫有人孝於其親不以百
年之遠力思封樹洒掃以勤時享神宜祐而助
之使如素志不當以輕犯土地而降咎殃則神
可謂聰直之全禍福不私者矣尚饗

祭告五代祖庶子文

維嘉祐八年歲次癸卯三月某朔某日五代孫
具官某謹遣男忠彥以清酌庶羞之奠致祭于
五代祖庶子之靈惟靈歷唐顯官興起韓氏終
葬博陸家謀具存某自從官以來深惟祖先塋
域之重雖勤推訪未能辨識數年前始得四代
祖鼓城府君之塋於趙州之贊皇至于開隧觀
銘衆始大信既已崇葺則益念庶子博陸所葬

之地不當無迹會故吏國子博士劉覲通判永寧之任來別遂託尋究未幾得覲書以從姪弁所得二處士埋銘墨本來示閱所叙三代則皆庶子之弟也山言處士墳旁歸然而高草樹蒙翳者疑是庶子之塋也大用感慰故使忠彥不遠千里躬修菲薄之薦而請一視誌文不獨取信於衆人亦俾裔孫歲歲展祀無有疑惑惟靈監此誠懇勿以一時干動神宅而賜大戾尚饗

祭告五代叔祖二處士文

維嘉祐八年歲次癸卯某月某朔某日五代孫具官某謹遣男忠彥以清酌庶羞之奠致祭于

五代叔祖處士五代叔祖母夫人之靈某嘗聞家謀知五代祖而上實葬博野年祀殊邈雖勤于推訪大懼不知所在比得從姪弁錄二誌銘來告且言向葺壞墳之所得也詳所叙三代則二處士乃某五代祖庶子之親弟也不勝驚歎慰喜之情故使忠彥擇良日具薄薦完補頽缺再嚴封樹仍飭子孫歲享祀傳于無窮惟靈歆而監之以重福于來裔尚饗

祭告永寧軍先塋土地文

維某年某月某朔某日具官某謹以清酌之奠敢昭告于土地之神某聞山川土地神實主之

無名而犯降殃可也某之五代祖庶子歷唐美
官終葬于博野縣之北原雖距今幾二百年矣
比始知其所在若非一視銘誌則裔孫之祀孰
不疑而人孰取信哉故遣男忠彥擇日開隧以
告于神非無名而犯也惟神稟德聰直故宜助
成孝心俾求之不謬某決知乎神不降殃而降
福也尚饗

葬安國夫人祭告祖塋文

維嘉祐七年歲次壬寅九月乙巳朔二十三日
丁卯孝孫具官某謹以清酌庶羞之奠敢昭告
于曾祖令公曾祖母太夫人烈祖令公祖母太

夫人之靈某以新婦安國夫人崔氏之亡取仲
冬之二十九日歸葬於相之安陽縣豐安村祖
塋而先所得之吉地啓壤之際潔誠以告伏望
英靈昭鑒陰爲佑助自始興作訖於成役咸得
安固永作神居唯子唯孫傳祀無已尚饗

葬安國夫人祭告先塋文

維某年某月某朔某日第六子具官某謹以清
酌庶羞之奠敢昭告于先考令公先妣太夫人
之靈某以新婦安國夫人崔氏之亡考經謀葬
得百日承凶爲吉遂舉姪殿中丞公彥而下諸
喪咸歸葬于相之故里公彥則開舊壙而納焉

姪孫試秘書省校書郎確而下則於大塋之東
別爲一域以安之啓壤之始潔誠以告伏望英
靈昭臨金陰爲福助宅兆獲安子孫世祀尚饗

安陽集卷第四十二

安陽集卷第四十三

宋忠獻魏王韓琦著

賜進士監察御史安陽張士隆重刊

祭文

祭龍圖尹公師魯文

維慶曆七年某月某朔某日具官某謹以清酌
庶羞之奠致祭于故龍圖舍人尹君師魯之靈
嗚呼師魯惟君之生天與英竒如鑑之明無隱
不窺如材之美無用不宜仁義之勇過於虎羆
疑昧之決審乎著龜首倡古文三代是追學者
翕從聖道乃夷名重天下無人不知知之深者

非余而誰伊昔夏人擾于西垂余忝兵任君實
同之周旋塞上余往君隨書籌夜晝忍睡忍飢
星霜矢石勞苦艱巖凡四五年心憊形羸退而
視君志不少衰上嘉君勤進督渭師懷教之後
破壞創痍君能盡力補綴撐持曰兵曰民以治
以綏如得父母衆心熙熙保邊務實耻于妄爲
不合小人乃啓禍基勿慶晉潞奔命何疲輸忠
抗論同者乘危君前在渭屬防秋時以公解緡
貸其偏俾俾償宿負免千典彝月取其俸送官
勿虧且責効命投死無疑職此抵罪竄斥流離
衆謂之冤君卞如飴自隨徙均帝方念茲柰何

窮山感疾無醫君決不起指鄧而馳范公大賢
來託孤遺謂無怛化言色怡怡忽整衣冠盥滌
莊祗憑几而逝衆皆歎悲范公之書其說如斯
嗚呼哀哉彼蒼冥冥莫可究推賢者胡惡勳與
屯竒不肖胡佑坐來福禧以道而死爲人思
以幸而福生爲人嗤在君所得何必期願嗚呼
哀哉余之與君義雖朋執情則墳窆葬不執紼
奠不捧卮使我大恨痛切肝脾徒憑薄祭一寫
哀辭琴不鼓矣嗚呼子期尚饗

祭文正范公文

維某年某月某朔某日具官某謹以清酌庶羞

之奠致祭于資政范公之靈嗚呼哀哉上天生
公固為吾宋以堯舜佐吾君兮既忘身而忠國
以成康期吾俗兮又竭思而仁衆升贊樞宰孰
去不用殿撫潘服孰云不重何太平之策噤而
不得施兮委經綸於一夢此一人所震嗟而天
下之所深痛豈止乎平生之交得訃音而長慟
嗚呼哀哉僕始立朝接公尚踈道同氣合千里
相符忝帥於西乃與公俱協心畢力誓翦兇渠
義切王室情均友干雖千艱而萬險仗忠信而
如無僕之望公公驥僕駕十駕未逮敢擬齊驅
入胡不辨遂連公呼自顧無有媿常汗珠繫公

是託終履夷途叛之來附一節同趨與公並命
參翊萬樞凡有大事為國遠圖爭而後已歡言
如初指之為黨果心是乎道卒與于時戾謂公
造而僕愚相緣補外謗毀崎嶇感公之知謂死
不渝嗚呼哀哉定之去青不遐驛置自公之東
信問時至愛顧益深又明莫二蠅頭細書以時
為寄珠貝累幅氣嚴公備自云矍鑠以將厚意
謂公摩寧日保純粹勿心以疾聞求醫往視雙然
遣使候公鑒寐會公得穎肩輿赴治尚煩公答
親筆數字意公小痊知以為慰方具書藥詣公
所慰得元規報云公永逝讀之駭然手足俱廢

氣填滿膺食不知味惟公事君之大端固始終
而一致有生即有死公雖聖智其安避所惜者
國家待賢而後又天胡不仁而不愁遺嗚呼哀
哉公之所存履夔蹈且高文奇謀大忠偉節充
塞宇宙照耀日月前不愧于古人後可師于來
哲固有良史直書海內公說巨億萬載不可磨
滅此為夫而為壽考之識者之能別豈於一奠
之間可盡公之德烈也止是真然而思默然而悲
此生未頃曾無已時公乎知乎不知

祭僕射王公山甫文

維嘉祐元年歲次戊戌九月己巳朔某日具官

某謹以清酌庶羞之奠致祭于故僕射王公之
靈嗚呼僕與公交世孰為匹在天聖中考士之
實上祓臨軒親按程律公當其選天下第一僕
叨次公若甲之乙為合之易公純我質愛則昆
弟同則膠漆從官西東雖遠猶密及佐大計局
相並隣議必聯席食常對茵出入省戶輝光指
紳公踐掖垣文追古淳夫河鄙材復序後陳更
直書命參明帝緡公入禁林朝稱得人僕草公
制榮無與倫夏人擾邊沮我威武僕承人乏奮
命西禦久之未效命公來撫公之所臨如旱而
雨繫公之略遂振王怒僕時帥秦公留燕語獨

有二天公惠之著疆事之寧僕忝樞輔公爲大
農屈事泉布進居公前愧日無措僕斥于外公
方處中排攘群讒陰存大功僕走二塞身當虜
衝一紀之間莫覲音容天與其幸還趨九重付
以舊物本兵之崇公弼宰政望尊德隆而不大
拜反及愚庸僕實無堪懼顛厥位圖講大寧賴
公以濟其道之同言無少異白髮相親在古無
二公歷二府積憂成瘁始疾之微在告而治日
須公出以奉醇粹如何浹旬遽然永逝嗟乎人
生有是不意嗚呼哀哉公之德業海內胥傳清
芬雅範則流爲世法忠謀大節則詳於史編浩
乎若江漢之紀地燦然如日月之麗天此特叙
生平之好故舉其槩而不言唯將哀誠一奠几
筵公固知我終身愴然尚饗

祭正獻杜公文

維嘉祐二年歲次丁酉二月丁未朔某日具官
某謹以清酌庶羞之奠致祭于司徒侍中杜公
之靈嗚呼自公勇退于今十年天下日思思公
至賢故每聞公之病也衆猶已之病今聞公之
亡也則相與駭而歎曰元老之喪天下將安而
法焉况辱公之知世無比旃雖願百殞以贖公
而莫得兮其哀深痛切非文字之可傳然而因

莫寫誠烏可無說含悲失次舉公大節在祥符
初文則公傑巍取甲科美譽四徹自時爲吏天
性精勤驅煩判滯明敏無倫不施鞭扑吏畏如
神凡守郡邑政胥曰循凡主財利法皆近仁中
司執憲紀律箝紳曰雍曰并乃國方面命公鎮
臨天子安燕上曰公勞來尹畿甸轂下亟清樞
廷是踐公既大任爲國圖寧力進忠良正人彙
征時羌之叛與狄連衡公謀廟堂二垂寢兵僥
倖路塞斜封不行有職顯然坐觀太平讒邪信
信卒壞于成作相百日彼徒益獍鬪公于充公
道愈明公則告老上允其誠旂營厥居處于宋

京憶公之貴不與衆類不買田宅不畜声妓蔬
食菜羹紵袍布被奉已惟約周人則義人難其
常公行獨易至清之者今昔無二憶公之退與
衆復異其博不親林泉不嗜枕藉百家沉酣六
藝詩筆日新放懷怡志書法日工或草或隸優
游自娛以卒吾歲嗚呼哀哉公官一品位誠不
卑公壽八十年非不耆在公享之良厚何人心
之甚悲蓋以公還事而來精明不衰憂國之慮
過於有政稱善之勤同乎已爲向使朝廷重惜
公去復公丞疑以十餘歲之康寧翼億萬世之
丕基則治胡爲而不唐虞公胡爲而不臯夔噫

衆願之終矣方不繫公而繫時徒憑使人酌公
一庖公乎公乎已而已而尚饗

祭狄相文

維嘉祐二年歲次丁酉四月丙午朔十六日辛
酉具官某謹以清酌庶羞之奠致祭于故相狄
公之靈惟靈忠孝沉厚出於天資威名方略聳
於塞外入登樞府蓋旌勲勞出殿輔藩聊遂偃
息何五福所鍾而不與其壽一人所悼者未盡
其才某向處邊垂公實裨佐自聞傾喪引極哀
懷茲承已擇辰權厝淨宇敢憑薄酌少致哀
誠魂兮有知諒垂歆監尚饗

祭聳隅先生文

維嘉祐三年歲次戊戌十月戊戌朔十日丁未
具官某謹以清酌庶羞之奠致祭于聳隅先生
黃君之靈先生以學自富以道自貴身居草萊
名暴天下公卿大夫知先生之賢薦先生之晚
老得一命遽然而亡嗚呼豈天之於人既使其
學與道之不窮也則其身也固不可得其不窮
耶不然何屯梗沮屈之如是乎某忝大任竊重
祿不能極力推挽使先生之學之道少伸于時
而身爲不窮反咎嗟疑天不自引咎誠罪人也
今先生之子能奉遺書謹遺法介然以不墜先

業爲意護喪南歸得舟東下因致薄酌一道哀
愧之誠先生宜來歆是精潔尚饗

祭范寬之刑部文

維嘉祐七年歲次壬寅五月丁未朔十五日辛酉具官某謹遣某人以清酌庶羞之奠致祭于范郎刑部之靈君之於余兄之子壻而余姪女不幸早世親知之深義無少替垂三十年意愛交至君提國憲向領全吳察廉之失屢經赦書復久去官攻者終誣降漕得守遂觀濠魚中外交章辨君非辜牽復甚邇君胡遽歿嗚呼哀哉君始得疾殆於累月度不能起尚記踈拙請兄

援毫寓書以訣惟草二名親筆余別余一閱之夙夜悲咽其間一事余竊爲疑云分毫恩未嘗及之余之知君惟道是期所謂恩者有公有私私則結好死焉莫移公敢市寵非余之爲嗚呼哀哉君之平生志氣豪邁臨終之言何近狹隘得非有激其意安在俾余恤孤余安敢怠千里致哀惟憑薄酌英特之魂宜乎不昧尚饗

祭文潞公太夫人文

維嘉祐八年歲次癸卯二月某朔某日具官某謹遣門人陳諤以清酌庶羞之奠致祭于魯國太夫人之靈惟靈早殯君子克謹婦道闈內之

訓莫匪忠孝有子逢辰相吾大君膚公盛德世
無與倫勤哉奉親繄我賢相晨夕旨甘得謂榮
養其封大國榆翟魚軒廉寧壽考五福之全相
君承顏以懼以喜請治于洛歸來鄉里慰我高
堂鼓鍾笙簧大期之及怡然而亡琦於相君義
則兄弟何以致哀是惟薄祭尚饗

祭崔良孺殿丞文

維治平元年歲次甲辰九月癸亥朔二日甲子
具官某謹以清酌庶羞之奠致祭于殿丞崔君
十哥之靈惟君之稟天與和粹大韶之發聽者
忘味大圭之全然爾君端君父正臣始終道義

君兄節士瓌特其志君之漸摩固無不備惟文
之高乃不中第惟才之敏見於為吏其勢奔騰
譬若良驥千里之遙旦暮可至柰何半途遽爾
顛躓惟余之室君則其弟余契之篤實均同氣
君如京師必館而憇歡然相接唯恐分袂今夏
之首君來審官待次得告再歸闕田初聞小疾
勿藥當痊遂不裁問日期駕旋使忽至止君兄
惠牋具述君病且憂纏綿余驚呼醫俾馳詣前
醫馳未達計來何遽嗚呼哀哉君之德美稔于
衆傳復被餘慶宜熾而延何未強仕倏茲溘然
命也孰訴噫嘻蒼天嗚呼哀哉君姊之亡傷摧

二年又感君感心如灼燃徒憑薄酌致此拳拳
哀誠千百未能一宣君其知乎歆余意焉尚饗

安陽集卷第四十三

安陽集卷第四十四

宋忠獻魏王韓琦著

賜進士監察御史安陽張士隆重刊

祭文

祭資政吳長文文

維熙寧元年歲次戊申十月庚子朔某日具位
某謹遣人以清酌庶羞之奠致祭于大資政吳
公侍郎之靈惟公之生得道之粹惟公之出爲
世之瑞粵在妙齡已彰奇器六經深醇諸子同
異下建百家史氏所志經公一覽則能誦記學
優而仕進道益勤遂塞詔舉大名是振仁廟知

公擢公諫臣聳激忠義漸摩聖神致我后德大
猷日新領漕東南使煩以試屬部一清何止經
計更殿鉅藩所至稱治風績藹然實冠循吏西
掖代言北門典制號令文章一時溫麗翼翼京
邑則于四方帝曰疇尹惟公是當大豪兼并過
於寇攘公暴其罪投之遠荒姦盜四走壞其橐
囊高視前輩爲宋趙張上曰公賢贊我幾命協
心憂國大本以定俄執親喪毀幾滅性茹蔬泣
血卒羸而病服除還位丞參太政真儒秉鈞內
外交慶任直爲輔忘身匪艱辨白君道呵排大
姦義貫白日名高太山退處于外孤風孰攀公
往治青余趨雍部遐辱惠音道其雅素且曰吾
疾痛醫所誤今雖調適未甚如故余病亦久勉
而作書馳走一介候公起居回得公荅慰我勤
渠親翰累幅筆精有餘余喜料公其疹必除命
世之佐不靈所扶嗚呼哀哉書來未旬余徙鄉
郡復促召車因令入覲道聞公計心臆摧震天
乎仁乎杳默奚訊善人云亡乃邦之譽公如可
贖余義當徇雖百其殞夫亦何吝嗚呼哀哉歷
代已往如公幾人萬世在後公名永存孰壽孰
夭此安足論惟是餘慶宜昌子孫何以致哀奠
公一樽公來歆乎公靈者魂嗚呼哀哉尚饗

祭安退先生劉君文

維熙寧元年歲次戊申八月朔某日具官某謹
以清酌庶羞之奠致祭于故安退先生劉君之
靈嗚呼先生剛介之性天下能合者有幾淵源
之學士人不到者甚多憤然不少屈於世兮遂
樂窮處唯酣杯而放歌晚而絕穀棄置家事欲
融怡於大和澹然如此而大猶不祐兮亦奔隨
於逝波余方罷西帥還故鄴借號塗而亟過瞻
先生之墳土未乾兮不能一奠於山阿徒遣使
指陳薄薦以將其意也嗚呼先生其知余之悲
乎奈何奈何尚饗

祭崔公孺比部文

維熙寧四年歲次辛亥某月某日具官某謹以
清酌庶羞之奠致祭于故崔君比部九哥之靈
余初及冠作壻君門君時妙年德性已尊不事
彫琢歸乎質渾傳覽經史富于藝文耻在蔭籍
思同後群射策不偶遂遺世紛西竺大法南京
祕源旁建莊老虛無之言沉酣貫穿洞其本根
顧視軒冕淡如浮雲勉而爲吏非志所存粗以
庇族仁風是齋諱間常詣我情均弟昆酒會歡
密詩豪放棄時擿道奧開壘破昏益我多矣如
猶附薰余視君爲期諸古人如何奄忽遽罹大

也善良至此天也寧論泣馳使指奠酌一搏君
乎來歆惟靈者魂尚饗

祭致政學士趙君子淵文

維熙寧四年歲次辛亥八月癸丑朔某日具官
某謹遣三班奉職隨行指使張世昌以清酌庶
羞之奠致祭于故致政學士趙君子淵之靈嗚
呼僕與君交心照莫二論契之深同門之壻在
明道初禁林並試聯陟道山日親高誼直則同
舍分則同氣譬若驥驂方駕平地欲騁千里自
當齊至如何遲速半途而異君知命者未始較
計嗟君之才畜不大施歷殿藩府所在循吏晚

求西臺亟謝君事惟洛之都有完者第方期優
游遂我高志不虞安休乃夫頤衛使人遠來論
我疾勢駭而馳醫往往道勤意醫纔及門而君已
逝嗚呼哀哉年踰七二壽疋為貴諸子言達實
昌而熾進揚令名退絕纖累君之始終可謂無
媿而余悲者義切親懿聲顏永絕翰墨徒祕緇
不親執奠不躬致臨風長號涕泗交墜惟憑一
介具此薄祭眞眞有知為我來暨尚饗

祭少師歐陽公永叔文

維熙寧五年歲次壬子某月某日具官某謹遣
三班奉職隨行李珪以清酌庶羞之奠致祭于

少師永叔之靈惟公之生粹稟元精偶聖而出
逢辰以亨歷事三朝翼登太平大名既遂大功
既成年未及老深虞滿盈連章得謝穎第來寧
神當昇以福祿天宜錫之壽齡胡不憇遺遽爾
摧傾此眞理莫得致詰而天下爲之失聲嗚呼
哀哉公之文章獨步當世子長退之偉瞻閱肆
曠無疑倫逮公始繼自唐之衰文弱無氣降及
五代愈極頽敝唯公振之坐遷醇粹復古之功
在時莫二公雖云亡其傳益貴譬如天衢森布
列緯海內瞻仰日高而熾公之諫諍務傾大忠
在慶曆初職司帝聰頗有必犯闕無不縫正路

斯闢姦萌輒攻氣勁忘忤行孤少同於穆仁廟
誠推至公孰好孰惡是焉則從善得盡納治隨
以隆久畏清議知時不容各礪名節恬乎處躬
二十年間由公變風公之功業其大可記屢殿
藩垣所至懷惠嘗尹京邑沛有餘地早踐西掖
晚當內制凡厥代言典謨之懿凡厥出令風雷
共勢三代炳焉公辭無媿樞幄猷爲台衡弼貳
撫御四夷兵戈不試整齊百度官師咸治服勞
一心定策二帝中外以安神人胥慰不校讒言
懇求去位公之進退遠邁前賢合旣不爲高惟
戒顛身雖公輔志則林泉七十致政乃先五年

上惜其去公祈益堅卒遂其請始終克全嗚呼
哀哉余早接公道同氣類出處雖殊趣向何異
暨忝宰司日親高誼可否明白襟懷坦易事貴
窮理言無飾偽或不知公因罹謗忌青蠅好點
白璧奚累嗚呼哀哉自公還事心慕神馳徒憑
翰墨莫挹姿儀公嘗顧我惠以新詩雖亟誚荅
杰苦哀疲欲復爲問動已踰時忽承訃音且駭
且悲哀誠孰訴肝膽幾墮公之逝矣世鮮余知
不如從公馬用生爲遐修薄薦莫公一卮魂兮
有靈其來監茲尚饗

安陽集卷第四十四

安陽集卷第四十五

宋忠獻魏王韓琦著

賜進士監察御史安陽張士隆重刊

挽辭

章獻明肅皇太后挽詞二首

一紀禪鴻化千齡從列僊至仁高協帝厚德遠
參乾驗寡親嘗藥恩深欲報天爲殫臣庶淚朝
雨助潛然

璿駕方修祀金波忽墜空悲歌傳薤露祕殿聞
椒風霧重昏軒曜雲悽泣舜瞳仙輿邈何在
天外藥珠宮

章懿皇太后挽詞二首

外族傳仙系中閨著德容瑞符衣覆玉懿範史
編彤天闕雲埋伏秋高露泣松宸心望歸駕滄
海晦三峯

慶日推祥舊儀坤講禮新帝親無及養天意此
何仁宮寢延高月禕褕寓洛塵欲知仁主孝淚
血送龍輜

章惠皇太后挽詞二首

椒掖遺芳在龜臺別信空舊恩緣服重新廟見
慈同殘月無多夜餘花一向風徽音從此斷忍
顧洛川東

柔順符坤德興居監女歲筭衣裾有練殿壁帶
無金外族疏恩薄中宸結夢深宮娥齊飲淚誰
副祝延心

仁宗皇帝挽詞三首

道久民胥化幾先慮極深勤邦循禹度傳聖得
堯心生德齊天地仁聲振古今三山神藥在滄
海信空沉

薄葬定隣邊民安即舊廬大非容六馬深不錮
三泉忍逐宮車出翻隨玉輅旋西都無限竹淚
色似湘川

聖治方無事仙遊遽不還心休黃羣外鄉遠白

雲間加鼓悽寒月
旌旗卷暮關
孤臣期得殉黃
鳥願重刪

英宗皇帝挽詞三首

遽委飛乾運
應開出震符
子房批鳳尾
天已下
龍胡遺
思堯治
謳歌啓舜圖
只留勤儉德
千古亘三無

此日天無色
輜車下禁宸
悲風隨去仗
哀淚裊
行塵一閉皇堂夜
長閑御寢春
守陵來有幾
蕭

索慶寧人

原駕雖停洛
輿已逝天空
藏軒劍馬不改霸
山川挽指秋聲外
旌翻夕照前
老臣非從死
何

路荅知憐

司徒侍中杜公挽詞三首

早退輕高位
孤風振昔賢
上思終不已
民望日
依然榮寵三
增秩優游十
換年請看良史舊
德孰似公全

直道當年梗清名
萬世師身
閉心在國跡
退德高時警
絕新詩雅飛
騰老筆奇歸
休何所樂持
此造希夷

哲人何永逝
天理此難忱
子謹新遺札
家無舊賜金
可傳清白業
未足太平心
計至悲尤勳忘
年顧遇深

僕射七公挽詞二首

早冠廉良選尋專翰墨盟上知唯直道人愛是
純誠樞極權無撓台衡論必平嗚呼今已矣天
不爲蒼生

公昔魁多士予時託後塵交因荷心照義實過
天倫進始欣連茹官終愧積薪牙絃茲遂絕不
見賞音人

相府陪高議於時適共榮開懷叙疇昔協力異
登平幾日違言笑何期隔死生寢門長慟後追
愴不勝情

張汝士寺丞挽詞二首

昔與君游者芝蘭久更芳高懷澄水月和氣燥
春陽陳迹川流遠嘉名歲景長平生歐尹友嘗
嘆善人亡

滿腹庫時業丁年未一伸方從中洛掾俄掩北
邱塵有子賢荀里登科感孟鄰新阡伊闕下長
得塞門春

塞門地名

江西提點刑獄闕顯郎中挽詞一首

昔忝中山帥君時佐郡條協心圖治俗同燔喜
爲僚方卜門容駟俄驚坐賦鴉新阡思一慟西
蜀柰迢遙

致政王子猷侍郎挽詞三首

昔求還事年猶未縱心軒裳輕俗累水月瑩
禪襟樂任荒三徑閑時戲一禽陶然踰五閭已
矣世同欽

伯氏勲名永繇公左右然賢碑求帝篆行鐸廣
時傳餘範光門法遺文粲史編欲知天報厚五
福賜吾全

昔忝淄川政嘗依太守賢子門欽世德阮巷忝
親聯僕始慙當軸公方遂引年音空俄永隔杖
涉望新阡

太尉侍中宋公挽詞三首

科等料髦彥文章歷縉紳大權更將相優寵極

人臣還事至一品享年踰七旬請看今與昔誰
可卑公隣

仁皇求治始公出冠儒英仕路知卿相時名獨
弟兄兩朝推重德當世服純誠身後傳家者群
書但滿籛

注想尊元老云亡歎哲人恤章隆上袞哀晚出
中宸史入經綸迹文藏造化神笳簫陽翟路行
者亦霑巾

蘇洵負外挽詞二首

對未延宣室文嘗薦子虛書方就綿絕奠已致
生芻故國悲雲棧英游負石渠名儒升用晚厚

愧不先予

族本西州望來爲上國光文章追典誥議論極
皇王美德驚埋玉瓌材痛壞梁時名誰可嗣父
子盡賢良

太尉呂公挽詞二首

韋平傳慶裔方召起隆名塞上天聲遠惟中廟
筭精衆期調玉鉉時忽喪金城朝野悲何甚邦
家重老成

要劇更中外幾微照古今嘉謀增國重和氣入
人深龍已須雲起星俄向壘沉得名非得壽天
報此難忱

安陽集卷第四十五

安陽集卷第四十六

宋忠獻魏王韓琦著

賜進士監察御史安陽張士隆重刊

墓誌

鐸附鼓城府君墓誌石本序

琦閱家集見真定主簿張度所撰四代祖鼓城
府君墓銘知曾祖令公於晉天福中葬府君於
趙州贊皇縣太平鄉之北馬村然值五代之亂
天下以兵相戕賊常趙並邊復有北胡之患子
孫避地多故於歲時灑掃薦奠蓋不能及歷祀
既遠遂忘所在琦自塵祥仕深惟祖考塋域之

重極意崇尊而念府君之葬幸知其州縣鄉里之名雖距今百有餘年苟得土人之耆舊可倚者使周訪之則萬一可識茲志未遂不敢懈心嘉祐三年冬偶故吏鄭嗣宗者自東川宰行服歸趙過都請見問其所居則曰贊皇之邑外也問北馬則曰所居之隣村也遂以府君墳墓託之嗣宗去不數月馳來告曰北馬有古塚巋然里人至今呼爲韓評事墓乃遣男忠彥與指使殿直李延慶同往視之且使祭而告曰若非開隧視銘則無以取衆之信祭已擇日開隧先是聞于邑至日令尉偕至與夫近村之老幼婦女

環而觀者數千人纒及墓則張度所爲誌石在焉門頰朽缺自外窺之壙中一皆安然無所動壁之丹牘尚若新塗繪者忠彥即出誌石示於衆皆驚呼嗟異令尉閱其文亦相與欣歎爲忠彥賀亟具墨蠟傳其本置石於故處而實其隧中墳旁地繚以垣牆樹以松柏得嗣宗之物彭昂者主守之噫祖先之葬百餘年矣數世已忘其所在一旦求而得之復內外完固無少犯者實吾先積慶之感而與世稀闊之事也石本比家集舊文有少刪略處蓋曾祖令公削其煩也舊文闕六代七代祖之諱今皆得之謹錄而載

於家集府君誌文之後俾子孫傳之知吾奉事
祖宗之勤賢者必能過吾勤而不肖者亦當師
吾勤而自勉也

錄載五代祖庶子并其二弟墓誌序

琦之五代祖庶子而上世葬于博野縣蠡吾鄉
之北原庶子生祠部與鼓城府君鼓城生永濟
府君永濟始自北原徙鼓城與夫人張氏葬于
趙州贊皇縣太平鄉之北馬村後之子孫奔走
薄官故於蠡吾之塋省視不能及天聖中三兄
司封任群牧判官有鄉貢進士韓可者自博野
赴舉來京師與司封兄相過從且叙宗派慶曆

八年琦知定州而可之子弁亦來請見稱從姪
問其祖系相承之次第不能悉也而可之父子
復未嘗一語及先塋之所在嘉祐三年琦既得
鼓城之墳於北馬再嚴封樹且念庶子之塋雖
年祀尤遠苟訪之勤亦當得之會故吏國子博
士劉觀通判永寧遂以茲託已而得觀書言弁
嘗補葺舊塋得二誌文一諱文操并以墳圖來
示詳二誌所載三代則皆庶子之親弟也八年
春遣男忠彥走蠡吾以詳辨之一墳處諸塋之
西北最大而高忠彥意若神感謂衆人曰此當
是吾庶子之塋也於是祭而開壙及晡得其誌

石視之果然衆大嗟異而庶子瑩嘗爲暴水所
侵內甚沮洳建遠祖諸瑩皆久失治完遂一新
崇葺事具重修五代祖瑩域記噫琦以區區奉
親之志而獲天之報也數矣其所以答天之意
者惟奉事先世益加其勤至於瞑目而後已耳
吾子孫輩視吾奉親之志如此而獲天之報如
此可無動心而思繼者哉今鐸庶子與其二弟
誌文附于家集以永其傳云鼓城誌文曾祖登
州鐸事參軍當云諱沛而書以高祖沂州司兵
府君之名者當時填諱之誤也謹序

重修五代祖瑩域記

唐鎮興深趙等州節度判官朝議郎檢校太子
左庶子兼御史中丞賜紫金魚袋諱又賓琦之
五代祖也初庶子以博學高節晦道不仕而鎮
帥太傅王紹鼎雅知其名屢加禮辟庶子不得
已而起補節度副記室事紹鼎卒其子太尉常
山王景崇襲有父鎮益尊禮庶子奏授節度掌
書記時巢賊犯闕僖宗幸劍南景崇率定帥王
處存合隣道兵入關進討關輔以平皆庶子謀
也景崇卒其子太師鎔幼嗣父位府事一咨于
庶子以義結隣帥內尊王室朝廷嘉之故思命
累及以光啓二年八月十四日終于鎮府立義

坊之私第年七十有五庶子曾祖諱腦沂州司
戶參軍祖諱沛登州鉅事參軍父諱全隱居不
仕自隱居而上世葬深州博野蠡吾鄉之北原
博野今爲永寧軍庶子以龍紀元年十月十五
日復附葬于先塋夫人崔氏棣州司馬魯之長
女婦道母訓爲世儀法終于大復二年七月十
九日年八十有三其年八月十七日歸祔于庶
子生二子長諱定辭鎮冀深趙等州觀察判官
檢校尚書祠部郎中兼侍御史好學能文無所
不覽嘗聘燕帥劉仁恭仁恭命幕吏馬或以詩
贈祠部頗銜已學祠部卽席訓之曰崇霞臺上

神仙客學辨癡龍藝最多盛德好將銀筆述麗
辭堪與雪兒歌一座愛其辭而不能解焉大屈
服事具北夢瑣言次諱昌辭真定府鼓城令琦
之高祖也爲政有惠愛而不壽年二十九而亡
生一子諱瑒廣晉府永濟令琦之曾祖也永濟
始自蠡吾北原徙鼓城與夫人張氏之喪葬于
趙州贊皇縣太平鄉之北馬村先君令公始葬
永濟與夫人史氏暨琦祖太子卞允知庫州諱
高諱與夫人李氏于相州安陽縣之豐安村白
先君之亡諸子幼而孤長而薄官奔走四方故
但能時奉豐安之祀其於北馬蠡吾之塋則力

莫能及年世殊邈幾于不能辨識嘉祐三年琦始得北馬之塋一新封植今年春遣男忠彥走蠡吾又得庶子之塋于北原而先域之西北隅北距唐河數里之近嘗經霖潦暴漲浸淫及于庶子之塋且念神宅久安不敢改卜乃於嘉祐八年七月一日遣孝彥告而啓壙自下以璧簋實而上絕沮洳而止衣食棺柩易而新之然後塞隧廣封以爲萬世之固建遠祖諸塋率加治葺剪其荆棘而易以嘉木繚其垣墉而表以高閼旣襄其事也遂直書塋繕之始末而納諸壙中且復誠于子孫曰夫謹家謀而心不忘于先塋

者孝之大也惟墳墓祭祀之有託故以子孫不絕爲重琦自志于學每見祖先所爲文字與家世銘誌則知寶而藏之有遺逸者常精意搜檢未始少懈時編歲緝寢以大備其所誌先域之所在雖距今百有餘年必思博訪而得之卒能不墜先業推及先塋之八世得以歲時奉事少慰庸嗣之志向若家謀之不謹祖先文字之不傳雖有孝於祖先之心欲究其宅兆而嚴事之其可得乎後世子孫不能勤而知此則與夫世之絕也何異子孫其志之子孫其志之時嘉祐八年七月十三日記

叙老考令公遺事與尹龍圖書

琦啓今歲始於相州安陽之新安村距祖塋三十里得地吉以明年二月奉考妣以降諸喪歸華焉孝子之心必求世之高才大筆以志不朽惟先君官氏次叙暨從政之迹則有司封兄先著行狀及國史所記不敢復述今載考家課詢諸老舊得先君之遺事繼而書之以備論譔先君之先深州博野人也自李唐以來世以官學知名曾祖昌辭皇任真定府鼓城令祖瑒皇任廣晉府永濟令父高諱皇任太子中允贈工部尚書去年秋琦忝貳樞筦繼以郊恩得追寵

三代永濟府君贈太子太保夫人史氏贈北海郡夫人尚書贈太子太傅夫人李氏贈趙郡太夫人即晉相李公崧之嫡女也先君贈太師夫人羅氏贈仁壽郡太夫人即故大諫延言之女鄴王之孫也始太師高祖成德軍節度判官檢校太子左庶子兼御史中丞又賓富有文行值唐僖宗朝王室多故遂優游鄉里晦道自養時鎮帥王紹鼎知其名厚加禮辟起參幕之任建子景崇襲鎮以巢寇亂糾檄隣道圖勤王之舉庶子盡所籌畫卒成其功生二子與諸姪俱有才名更爲中令常山王鎔賓屬故鎔府衣冠之

盛冠於一時長子定辭鎮州觀察判官檢校尚書祠部郎中次即鼓城府君也祠部屬文最贍貫達古今嘗聘燕帥劉仁恭與仁恭幕吏馬或賦詩有癡龍銀筆之句當世推其博覽鼓城早亡真定亂太保舉族之趙郡之贊皇篤志嗜學尤工歌詩鎮帥范延光知之歷補深冀屬邑主簿承又攝真定府衙推後李公崧徐公台符有鄉曲游學之舊皆歷貴仕以太保未達爲愧方交薦于朝而太保病不起故徐哀而作詩口宣曼何事教埋玉朋友無由繼斷金足見相得之深也而李公以弟義之女歸于太傅當周晉二

朝屢從藩府之辟長於書奏得曹李義山之體嘗爲具清河幸受署之日作條教揭榜以諭縣民其略有枉法擾人之事斷腕不行養民恤物之方疾心是念之語故子孫爲吏祖其廉受之法後徙家相臺開寶末終康州牧太師即其第三子也故爲相州安陽人太師美鬚髯狀貌奇偉立朝挺特搢紳聳仰外寬內恕雖人家未嘗見喜愠之色出入衢肆目不妄視在相幕時年未壯里人有伺其出戲於衆曰今日得諱公左右顧我當爲爾曹具肴酒其嚴重如此生平不喜任知數與人言必盡出肺腑性至孝自幼孤

見事二親有禪以養者則泫然終日痛已無及
力紹先業年九十登進士甲科聲稱烜赫仕漸
達諸親率均俸周急不間踈近以是家無餘財
姊妹數人孀且老悉奉以歸事之甚恭爲其男
女婚嫁又與之營薄業使足以濟其終而後已
訓諸子要令自取禪仕屢經恩得任子皆抑而
不奏仁壽或以爲言太師曰兒曹有官在身便
謂榮官可不勞而得廢學矣俟其藝業有所取
奏之何晚故身歿之後三子皆白丁法掾兄用
遺奏始得出身危莅官大抵以愛利爲本奉身
廉約於民無毫髮之擾所去人思之罷泉南行
次建州傳舍而終泉人聞之罷市奔赴慟泣於
靈所競爲佛事以報焉公早以方正才敏爲神
宗所知亟被東擢留計省九年任不令補外數
欲大用爲忌者所抑而止至景德祥符間趣向
寢與時背又任直與當權者不合遂守道平進
無所屈撓以至於亡小子罪釁至重幼失所天
尚不能記顏面之髻鬢治行之美蓋十不得其
一二又先君章疏文集先爲河陽法掾兄所掌
及物故嫂辛氏盡攜以歸其家後失之不復得
故紀述之際實多漏略甚可痛也今遠日有期
矣思老於文而相知深者無出師魯是以不遠

千里遺門人揚生奉書請銘惟賢者鑒此勤懇
母讓

太夫人胡氏墓誌銘

慶歷五年二月二十三日琦奉皇考太師皇妣
仁壽郡太夫人歸厝於相州安陽縣之新安村
以所生大寧郡太夫人侍葬焉棺槨之制率用
降等安神之次却而不齊示不敢瀆也夫禮非
天降地出本於情而已矣今夫人從太師於此
域所以慰孝心而稱人情也夫人姓胡氏其先
蜀郡成都人曾高以來世籍富貴豪於西土父
覺始仕孟氏名在朝籍乾德三年太祖平兩川

例遣歸闕主夫人於京師久之不得調卒夫人
從母李氏適故秦王牙吏王慶王被譴左右皆
得罪家族無依遂以夫人歸於太師夫人生而
淑明柔德備善書札尤精女工九點酥剪綵擬
狀生物隨手萬態如出造化性慈仁歸信釋氏
歷觀藏典深達義趣口能誦者十數經閨門之
內傳授教誘人人嚮善太師委以主家事夫人
上奉仁壽下睦宗媼內外無間言仁壽愛而禮
之相待之意猶姪姊然夫人生二子曰璩曰琦
璩終祕書省著作佐郎仁壽撫之義均所生在
髫稚時夫人或咎之仁壽必奔走保救怒終日

不與夫人語琦未成人仁壽已去世天聖五年
春琦始與著作兄同擢進士第綵衣拜慶當時
爲榮琦初任通判淄州迎夫人之官下與婦崔
氏晨昏侍膳羞奉顏色孝養無違八年夏方受
代而夫人宿疾作琦日討方書治湯劑躬自杵
藥未嘗委人禱神訪醫卒不獲驗終于五月九
日享年六十三自琦登朝暨忝貳樞府夫人凡
三追封至太寧郡太夫人嗚呼顧復之恩如天
地之大非言可紀也然刻塚微懿著于亡窮亦
孝子之志焉臨葬哀號爲之銘曰哀哀蒼天予
有罪兮當天余身何佑余以祥兮反喪余親使
余生不得盡其養兮余豈榮乎鼎茵儻親壽之
少延兮敢謂天之不仁惟劬勞之恩固以報兮
余恨終天而不泯

長兄德清慰墓誌銘

太師長子諱球字伯玉少有志氣泛覽經史務
究大義不爲章句之學每讀書見古人仗忠義
建功立事者必撫卷感慕其所爲好擬孟郊
作五字句詩意思清遠人多稱詠初以蔭補太
廟齋郎選授湖州德清尉擿姦奉法如老於從
政者太師聞之喜曰此兒佗日必爲能吏吾家
有望焉太師未亡前數月兄以疾卒時年三十

四娶陳氏生二子暉早亡公彥今爲太常寺太
祝在官以幹潔稱慶歷五年二月二十二日以
兄從太師葬於相州安陽縣新安村西塋之庚
位子暉同葬焉惟兄焉識大器宜副先公之言
以興吾宗不幸初仕而夫可謂命矣銘曰人無
壽夭貴乎嗣續之賢兄今有子矣夫何恨焉

二兄監簿以下墓誌銘

太師第二子諱瑄字仲瑜性謹厚好學不雜交
游以蔭授將作監主簿自太師之亡元爲長事
母仁壽郡大夫人盡孝治家有法宗族間愛而
憚之仁壽久寓居京師欲徙家于許兄往營其

事過許田縣洧河之石橋遇水暴漲溺立時年
二十七太師第四子諱琬字叔寶美姿儀器度
淹雅以太師遺奏賜同學究出身選授孟州司
法參軍幼能爲文章方刻意自奮欲決取科第
到官纔數月以疾卒時年二十七娶辛氏生一
女適楚州山陽縣主簿張誥太師第三子司封
之長子名景融字晦之生而穎悟屬文甚工琦
常愛之謂必能紹立門戶初用司封兄蔭補郊
社齋郎琦任樞密直學士遇乾元節奏授將作
監主簿後從琦之涇州得暴疾數日而卒時年
十七慶曆五年二月二十二日琦奉考妣歸葬

於相州安陽縣之新安村葬師云司法兄無後
監簿兄與景融未娶而亡宜同葬遂從其言葬
於東塋之庚位監簿兄之靈居南爲上司法兄
次之景融又次之銘曰有才而未試早夭而無
子此世之人共哀矧宗族之哀

二兄司封行狀

公諱琚字子溫相州安陽人自唐以來家世衣
冠著名河朔曾祖瑒皇任廣晉府永濟令贈太
子太保祖驪皇任太子中允贈太子太傅父
國華皇任右諫議大夫贈太師公即太師之第
三子也資性聰警幼而能文太師以其異於諸

兒尤愛之每有著撰即召令執筆口授之繇且
盡得爲文之體初以父任試將作監主簿大中
祥符六年調補饒州鄱陽尉非其好也次年選
秋賦乃求鑠廳應進士舉時郡守江公嗣宗六
之知名召公詣府使獨登郡閣出鴻鴈來賓賦
題以試之公杼思少選援筆立就詞致清麗深
得唐賢之格江大奇之即時薦送江左士人往
往書其賦於屏障間而目公爲韓鴻鴈其愛賞
如此八年春登進士乙科授太常寺奉禮郎知
河南府永寧縣政爲畿邑之最府尹王嗣宗強
直少許可獨以公爲能表薦之就移通判廣信

軍丁母仁壽太夫人憂去職服除通判趙州改
光祿寺丞今上即位遷祕書省祕書郎天聖元
年避親嫌移通判棣州公素以文自高雖精力
吏事而筆研不廢二年代歸即以所業數十軸
奏御執政多稱之卒以孤進不遂試與今侍讀
楊公偕同得記姓名出通判慶州慶民輕狡好
訟至有害已子而誣人者吏稍不審辨率多枉
誤時郡守集賢潘公汝士卒官公權郡踰年大
小之獄必精心推治盡得其情境內以爲不冤
初公在趙州佐武吏獨尚平恕吏民皆得被其
惠故曹公利用稔聞鄉人之論心善之會群牧

判官缺薦公堪其任四年春召還充職賜緋衣
銀魚是年秋差赴太常寺試舉人較天府國庠
取士爲最精朝論多之文節張公知白素賞公
才又愛其治行書公姓名真佩囊中數欲引用
復遺公紙數十番促令上所業公不得已再以
文奏御書聞而文節薨遂不報後曹公被責公
坐爲其所舉出通判濠州明道元年歸闕遷太
常博士知黃州以恩改中田員外郎景祐元年
春就移梓州路提點刑獄公辭改知澤州轉都
官員外郎二年移提點京西路刑獄公事時西
京白馬大宮寺僧競營浮屠僭權臣昌導以大

其事於是洛中暨隣道諸郡自官吏而下皆被
哀取民里甚擾公抗疏罷之三年改提點福建
路刑獄公事未幾移廣西西路轉運使是歲安
化州蠻人叛殺宜州守王世寧朝廷遣將臣益
兵進討委公經畫公乃上言安化三州依負險
阻猶穴鼠然急之則竄伏不可得緩之則伺隙
而出飛標藥弩發必中人徒跣趨叢薄中若履
平地又水土毒惡戍兵久留死者十六七願以
天兵逼其巢穴俟其畏威請罪因而撫之漸募
士兵屯備要害然後罷遣戍卒宜不能復叛詔
如公策一道以安時朝廷亟加兵廣西諸郡遐
陋素不備兵費公度官用以餉其羸量民力以
貸其薄故糧道以濟而遠人不勞朝廷嘉之在
職遷司封員外郎代歸而賜金紫判三司都理
欠憑由司康定元年復出爲兩浙轉運使次潤
州以疾亡公娶李氏乃故國子博士忠恕之女
生於名族克謹婦道公未亡前已苦風痺感公
之逝踰月亦不起生四男四女長男景融將作
監主簿性和雅善屬文後公三歲而卒次方彥
試祕書省校書郎次直彥孝彥並太廟齋郎長
女適著作佐郎葉仲舒次女在室亡次適左侍
禁曹測次適殿中丞范寬之公仁孝純直出於

天性介靜寡合恬於進取自父兄亡即主家事
撫育弟姪唯恐有傷簿官中竭俸資贍怡然無
間時爲文酒之會以相娛樂或作事有不如意
者亦婉辭誨勗不忍加一惡言弟姪感其義競
自樹立在官清節凜然秋毫無私至于夙夜兢
畏過自繩檢世稱廉吏者鮮能及之爲政簡而
愛人故所至稱治前後建白革弊益時之事多
見採納公官止六品於式不預史氏之載惟葬
有銘所以著行實於不朽以公之德之美而賦
命不永位未充量紀述之際諒無愧辭謹狀

五兄著作墓誌銘

大師第五子諱璩字子徽於琦同母兄也天聖
五年春擢進士高第初任安化軍節度推官丁
母太寧郡太夫人憂去官服除再調權舒州團
練判官又爲建昌軍判官慶曆元年秋吏部奏
課最授祕書省著作佐郎知壽州安豐縣事二
年二月十九日以疾卒時年四十一娶陳氏勲
臣之裔雅有婦德生一子正彥將作監主簿四
女並在室兄少負雋氣聰穎過人每讀書必泯
絕外慮雖左右囂然如不聞以是經史百家之
言一覽即能誦記尤通左氏春秋爲文敏速初
若不甚經心及成詞壯理備雖他人精思有不

及者性純易襟量夷坦遇人無賢愚一以誠接
之曠然不知世路有風波陷穽之險有時意樂
閑放與朋友相過從酣笑杯酒間或逾旬興未
盡不止及刻志於學則下帷閉戶以墳典白環
雖在寢食未嘗捨卷其真率如此當官治簿書
斷獄訟發決如神所至以明幹稱然志氣不墮落
事上官未嘗降禮以強顏曲意求薦舉為大耻
故久滯賓幕兄亦壽才越強仕不得盡其器能
嗟乎二年間司封兄與兄相繼而亡唯小子獨
承門戶之重雖叨竊寵任顧先生行無一存者
復何榮哉但諸孤滿目每一念至不覺涕之無

從也今奉考妣歸厝故里以兄從葬於東塋之
壬位永懷友愛哀不自勝銘曰

天生雋奇

當有所施

才優宦薄

惟世孔悲

復奪之壽

天豈無知

慶有餘者

嗣人是宜

新婦賈氏墓誌銘

惟賈氏故韓城令符荷之女年二十為韓公彥
之婦中無遂內有助未踰年疾物故慶曆五年
二月二十二日安陽水冶獲安厝從祖舅太師
之葬也東塋丙位實其墓

誌石蓋記

琦始謀奉考妣歸葬相州不敢遠祖塋而忘故里也得釋保聰善地理學遣姪公彥同往視焉不旬日得地於安陽縣新安村之水治爲吉乃作東西二塋塋各三穴西塋之任安皇考太師皇妣仁壽郡太夫人所生太寧郡太夫人庚安太師長子德清慰子暉從葬焉丙安太師第三子司封夫人壽春縣君李氏長女未笄而亡從葬焉東塋之庚安太師第二子監簿第四子孟州司法司封之長子監簿景勳從葬焉壬安太師第五子著作丙安德清長子太常寺太祝公彥妻賈氏以慶曆五年二月二十二日掩壙諸塋各有銘誌今但述安神之次叙刻于太師誌石之蓋以永終吉子樞密副使光祿大夫右諫議大夫上柱國琦謹記

姪太常寺太祝直彥墓誌銘

三兄司封第三子曰直彥字師黯幼聰悟喜學七歲能屬文語言動作如老成者兄以是特愛之異於諸子十一歲而兄亡嫂李氏繼卒予撫而教之直彥能稟訓自飭道業日修爲人和謹通明周悉時事內奉親族外接賓友無不得其歡心者予常謂兄清德純孝爲世表式而天不畀其位又奪之年則其慶之所延宜直彥得

之以興吾宗故心常泰然知門戶之可屬也直
彥始以兄蔭補太廟齋郎慶曆七年余用南郊
恩例遷將作監簿皇祐二年大饗明堂遷太常
寺太祝五年春舉進士及第簽署信陽軍判官
廳公事時予爲帥并門直彥歸待信陽闕明年
春以家事如京師得瘡脗醫誤而早下之毒氣
內畜不得發三月二十日卒於其姊婿祕書丞
張誥之家年二十五余旣以吾門屬直彥又痛
其不得在家而亡悲哀之積乃得大疾幾于不
可治嗚呼余之所愛豈私于直彥哉蓋以世家
子類多不歷艱難習尚驕佚不知其先之所得

之勤忘學肆侈自底不令使生者族屬不能合
死者墳墓無所託幸而有一賢子孫出則其尊
親之心其愛何如也今吾子姪輩皆耻以門籍
之蔭思自樹立苟能力行力學動以不墜先業
爲意則余之所愛猶愛直彥之公也豈私乎哉
妻崔氏余妻兄太理寺丞勉之女工部侍郎立
之孫柔順正潔得其家法三子挹試祕書省校
書郎次高紹並幼一女直彥計至踰月而卒司
封兄諱琚嫂李氏壽春縣君以嘉祐二年十月
十八日葬直彥于相州安陽縣新安村之水冶
先祖令公之墓次東塋之辛穴銘曰噫嘻乎夫

士族之興也不繫乎子孫之賢何賢而多夭兮
不肖之比肩謂祖宗德薄而致兮則吾之家不
然既富爾之德而嗇其壽兮是三子者宜昌大
而克傳若然則善惡之報人猶有望于天焉

銚夫人崔氏事迹與崔殿丞請爲行狀
夫人姓崔氏其先姜姓齊穆伯食采於崔因以
命氏自穆伯二十九世而至漢泉菜侯業居東
武城爲清河郡自業二十世而至後魏七兵尚
書休始號大房自休十四世而至石晉左拾遺
周度佐兗州慕容彥超幕彥超叛死節周度贈
祕書少監即夫人之曾祖也祖汝礪皇任左班

殿直贈兵部侍郎父立皇任工部侍郎致仕直
道能政措紳宗仰崔氏自唐以來爲衣冠甲族
與盧李鄭數家相爲婚姻亡族不得預夫人曾
祖母祖母猶以盧李二姓故世高其門風夫人
即侍郎之第五女柔靜端潔幼有成德女功之
事莫不臻極年二十一而歸于韓氏建軍琦所
生秦國太夫人胡氏能盡婦道秦國寢疾躬侍
湯劑夙夜不懈及其亡也號慕以奉几筵泣于
終喪無一不如禮者韓氏內外族屬多而素貧
孤遺者衆夫人天性仁賢義隆孝睦極意存育
常若不及親爲婚娶者幾二十人雖罄竭家貲

而不顧也其於待已則躬履儉約恬然無欲服
用粗備不求過飾琦未參待從之前俸尚薄夕
市京師大人雖一釵之微未嘗在首時有緡錢
以濟諸親琦每賑給宗族暨周人之急夫人必
欣然贊助惟恐不充此天下之共知而婦人之
尤難也又治家嚴明事無細大處治條理皆有
法度閨門之內猶官府然故琦略無私室之慮
而得專心公家若夫人之力也凡歲時祖宗之
祀夫人必先朝嚴辨纖悉精于酌薦之日禮極
其恪如是者三十餘年六親師服之父母之亡
摧毀過甚幾不能生以至圖象嚴事至於終身

與諸姊諸弟友愛輒諱篤情禮兼至雖在顛沛
未嘗忘也夫人始封壽安縣君進安康郡君安
康樂安二郡夫人安國夫人嘉祐七年春未得
疾背脅痛卧起爲梗醫者言氣血凝滯下之當
愈故時以樂宣治之而不能去涉夏秋之交變
爲泄注日以沉剝九月三日而亡上與中宮聞
之皆遣尚宮臨尊賻贈加等夫人介謹純直待
人以至誠平生無一妄言善書札體法甚老殊
無婦人氣格好讀諸史氏書槩知歷代興亡治
亂之事時作篇章有理致然以爲非婦人之事
雖至親不得見也臨事取捨剖斷有剛毅大丈

夫所不能為者嘗曰我遇小事則瞻慮多驚若處大事知義所在雖死不怖也平居散施左右必與下房者均琦嘗恠問謂宜少有差等夫人曰我性好平不欲使人見有輕重厚薄疾雖久而視家事不倦待宗親益周琦嘗勸譬之謂非願養之理乃慨然曰此我平生所存豈至此可變也唯死然後不能為也其用心如此三子長忠彥光祥寺丞次端彥太常寺太祝次良彥祕書省校書郎早亡五女長不育次適許州司戶參軍王景脩次二女早夭次尚幼夫人慈愛至厚其待非所生者過於已出嗚呼夫人內行高

絕如此之著恐雖當世賢婦人少能偕者今取十一月二十九日葬於相州安陽縣豐安村祖塋之次壙有銘故親筆其大槩以俟實錄焉

姪殿中丞公彥墓誌銘

余長兄湖州德清尉贈光祿寺丞諱球之次子曰公彥字師道即太子中允贈太師中書令兼尚書令燕國公諱勳之曾孫右諫議大夫贈太師中書令兼尚書令魏國公諱國華之孫母靈壽縣太君陳氏公彥幼失二親祖母魏國太夫人羅氏鞠之如子而余三兄司封又愛而教育之余與公彥同年生同時就學公彥始讀書

爲辭章甚敏而幹家事尤長故司封兄專以門
內之務責之公彥所委必集嘗曰我所以能辦
者無佗勤而不私爾移我此心以治吏事宜無
甚難者然用是頗廢學天聖中有詔少卿監以
上歿於五經郊恩者許錡其子孫一人公彥應
得補郊社齋卽調南儀州岑溪主簿岑溪風工
之惡在嶺南爲第一而公彥殊不以爲憂但日
與其民辨訟之枉直而平其疾苦逮滿歲全家
安然以歸再調楚州寶應縣主簿考滿補開封
縣丞康定元年秋余任陝西經略安撫副使奏
公彥授將作監主簿簽署保靜軍節度判官事

宿据汴渠之衝事甚劇公彥悉心贊畫其令翰
林學士王公素知其才屢稱薦之慶曆三年夏
就差知汝州葉縣事轉太常寺太祝俄改知磁
州武安縣事縣跨西山盜賊之藪公彥乃籍邑
之射生戶者使各占其地遇盜發則與當捕之
吏共捕之條其賞罰示以必行盜奔它境六年
秋改大理評事七年秋差通判懷州事次歲河
朔雨水害稼民大飢公彥與其守夙夜經慮誘
郡豪出粟極力賑恤全活甚衆時朝廷轉江淮
米百萬斛由黃河下抵衛州分給災傷諸郡公
彥被旨與中貴人董其事皆如期以濟皇祐元

年改光祿寺丞二年春就移知榮州事明堂恩
遷大理寺丞五年冬轉太子右贊善大夫郡有
鹽井四十餘所昔以歲課之重乃抑鄉民以分
主之年祀既遠水泉有盈竭戶力有興替得利
之多者或所主之戶富得利之寡者或所主之
戶貧故貧者雖歲破家不能償官課而富者日
獲其贏以肆兼并榮民苦之久公彥既至知其
敝曰吾境之民皆王民也柰何使其有幸不幸
以至此而有不變之哉乃集其衆使自疏之於
是類其井得利之多寡以相附之量其民戶等
之高下以相參之民以爲均而課入亦辦轉運

使知而保奏之事下三司以爲當朝廷嘉獎歸
闕用是升次得知和州事嘉祐元年冬改殿中
丞郡有宿寇時發閭里民以爲患公彥乃舉武
安制盜之法增損之以令其下訖三歲無盜歸
屬朝廷以瀛處邊要北道之重通判之任非嘗
爲郡者不得預其選公彥以近先域歲時洒掃
之便欣然就之將赴治所而疾作食輒不能下
病日益余度其難治乃泣而諭之曰萬一有不
可諱汝叔在勿以兒女爲慮公彥曰是誠感然
兒女之榮與否公彥莫得而知之矣色殊不動
是夕卒其達性命如此四年正月四日也時年

五十二公彥介直有守性樂儉薄每公退必涉
獵書史間以詩筆自娛齋室凝塵怡怡如也待
遇賓佐稱禮而已不爲厨傳之飾人或譏其太
約公彥曰吾雖起於蔭補當吾祖考之亡諸父
未達之前家甚窘吾嘗同歷艱苦今幸竊榮祿
敢效世家子之所爲哉雖然尚懼吾子孫不能
守法漸陷奢放以隳吾家聞者嗟服之素曉法
令而用心平恕凡處讞議苟情文相當而上官
執其異見公彥必折理固爭雖死不可奪也少
侍司封兄從官見其清白過謹志帥慕之故在
官以潔已爲先閨門肅然雖市物一錢不得不

白民安其無擾去則歌思之公彥始娶賈氏同
州韓城令昌符之女先卒再娶張氏職方郎中
文昌之女封仁壽縣君皆柔順以正克成家道
子四人長曰確試秘書省校書郎次曰愷並早
亡次曰恬秘書省校書郎次曰恪尚幼女五人
長適前常州武進尉孫扶次二女早夭次二女
並幼慶曆中余葬先考妣於相州安陽縣新安
村之水治而賈氏從葬于東塋之內位嘉祐七
年十一月二十九日因余妻安國夫人崔氏之
葬乃舉公彥之喪納賈氏壙中嗚呼公彥行完
下躬政脩于官吾門之令器也不幸越中年而

亡余且老失其所託可勝其哀哉銘曰
噫公彥兮行廉節勁為子克家
在官能政明而守法當世誰競
怡然處約衆則奚評宜享也豐
嗣門之盛如何始衰遽此不幸
夫子言易善兮有慶及繫辭焉
又貴知命慶為教邪命其默定
不然何為報之戾哉訴于天兮孰聽

姪孫試秘書省校書郎確墓志銘

確字百堅余姪殿中丞公彥之長子母仁壽縣
君張氏確性端厚沉敏幼而喜學為文典贍有

老成風格慶曆六年夏余以乾元節恩奏確得
試秘書省校書郎嘉祐元年秋應進士舉不利
乃慨然勵志為學益苦不幸勞而生疾寢以羸
憊卒於三年八月二十六日時年二十一妻孫
氏虞部郎中周之女柔淑有婦德感大之亡痛
悼不已未終喪亦卒生一男曰和孫一女並早
夭嗚呼天之肆罰也其甚矣乎使夫妻盛年俱
殞而又絕其所繼此行路聞者孰不傷駭則於
吾族其哀何如哉七年十一月二十九日因余
妻安國夫人崔氏之葬乃於相州安陽縣新安
村先塋之東百步得地以葬確孫氏祔焉葬者

以爲壬穴云銘曰

確生吾門 是謂良嗣 如何力學

遂以勤斃 婦執夫喪 未終而逝

亦嘗生子 又不克繼 天哉善良

酷也如是 哀無窮兮 葬因以誌

姪孫愷墓誌銘

愷字和仲余姪殿中丞公彥之次子母仁壽縣君張氏愷天性孝謹幼識禮義讀書彊記而善屬文嘉祐二年秋方應進士舉而兄確物故是冬其父病愷躬進藥劑晝夜侍側不解帶者累月及父之亡也哀毀過甚不能自抑旣而感疾

一不可治五年四月二十三日卒時年二十一歲之所稟可謂粹美矣使天稍畀以年則其家也有不順而睦乎其得仕也有不忠而幹柰何乎吾家之不幸而賦命之短也七年十月二十九日因余妻安國夫人崔氏之葬乃相州安陽縣新安村先塋東百步之近得地吉用丙穴以葬愷銘曰

秀而不實 夫子之嗟 哀哉愷兮

遽如是邪

姪孫四場墓記

余第四姪大理寺丞正彥生子曰光壽時正彥

初授光祿寺丞故以名之余第五姪大理寺丞
方彥生子曰盤奴時余自揚州徙知鄆州舟次
淮上之磨盤口故以名之余之長子光祿寺丞
忠彥生子二人長曰錦孫時余知相州得任故
里有畫錦之榮故以名之次曰密孫時余始為
樞密使故以名之是四小孫皆姿狀美秀慧而
可愛或僅能行或未免抱持天何降災遂俱
不育嘉祐七年十一月二十九日因余妻安國
夫人崔氏之葬乃於相州安陽縣新安村先塋
之東百步得地而廣充而同塋焉因刻石以誌
之叔祖

下平章事昭文館大學士監脩國史卜柱國儀
國公韓琦記

三姪孫女墓記

余第二姪殿中丞公彥第二第三女皆生而令
淑年甫及嫁不幸相繼而卒余第五姪大理寺
丞方彥一女曰八娘幼而不育嘉祐七年十一
月二十九日因余妻安國夫人崔氏之葬乃於
相州安陽縣新安村先塋之東得地用外丙穴
以同塋之從葬師之言也刻石壙中以誌其哀
云叔祖開府儀同三司行刑部尚書同中書門
下平章事昭文館大學士監脩國史上柱國儀

